



COMUNE DE ROMANA

DELIBERATZIONE DE SA GIUNTA COMUNALE N. 6 DE SU 19/01/2023

OGETU: Individuatzione de sos servìtzios pùblicos a dimanda individuale pro s'annu 2023 e aprovatzione de sas tarifas e de sos crìterios de determinatzione de sa cuota de contributzione de sos imputadores.

S'annu duamìgia e bintitres sa die deghennoe de su mese de Ghennàrgiu a sas 10:00, in sa SALA GIUNTA, acumpridas totu sas formalidades prevididas dae sa Lege e dae s'Istatutu, s'est reunida sa Giunta Comunale suta de sa presidèntzia de su Presidente Sindigu CATTE LUCIA.

A s'apellu nominale resurtat:

<u>CÀRRIGA</u>	<u>SAMBENADU E NÙMENE</u>	<u>PRESENTE</u>
SÌNDIGU	CATTE LUCIA	EMMO
VITZESÌNDIGU	PISANU DARIO	EMMO
ASSESSORE	MELONI PIETRO	EMMO
ASSESSORE	SOLE VALERIA	EMMO

Presentes n° 4 Ausentes n° 0

Partètzipat su Segretàriu Generale DUT. CARTA GIANCARLO, chi providit a redatzionare custu verbale.

Essende legale su nùmeru de sos interbènnidos, su Sindigu CATTE LUCIA, in sa calidade sua de Presidente, leat sa presidèntzia e de crarat aberta sa setziada pro trattare s'ogetu torradu a giùghere subra.

SA GIUNTA COMUNALE

Premìtidu chi bisòngiat providire, in antis de s'aprovatzione de su Bilàntziu de previsione pro s'annu corrente, a sa determinatziones de sas tarifas e de sa pertzentuale de cobertura de sos custos de sos servìtzios a dimanda individuale gestidos dae s'ente de aplicare pro s'annu 2023;

Bidos s'art. 151, comma 1, de su testu ùnicu de sas leges subra de s'ordinamentu de sos entes locales, aprovalu cun decretu legislativu 18 de austu de su 2000, n. 267, chi apostìvigat a su 31 de nadale su tèrmine pro sa deliberatzione de bilàntziu de previsione pro s'annu imbeniente dae parte de sos entes locales e apostìvigat chi su tèrmine si podet diferire cun decretu de su Ministru de s'Internu, in acordu cun su Ministru de s'Econòmias e de sas Finàntzias, intesa sa Cunferèntzia Istadu-tzitade e autonòmias locales, in presèntzia de esigèntzias motivadas;

Bidu su decretu de su Ministru de s'Internu de su 13 de nadale de su 2022 chi previdit su diferimentu a su 31 de martzu de su 2023 de su tèrmine pro sa deliberatzione de su bilàntziu de previsione 2023/2025 de sos entes locales;

Reconnotu chi cunforma e pro sos efetos de s'art. 6 de su decretu-lege 28 de freàrgiu de su 1983, n. 55, mudadu, cun modificatziones, in sa lege 26 de abrule 1983, n. 131, sas categorias de sos servìtzios pùblicos a dimanda individuale sunt sos chi s'inghrint:

- 1) albergos, a fora de dormitòrios pùblicos; de domos pro antzianos e de ricòveros;
- 2) albergos diurnos e bagnos pùblicos;
- 3) asilos nido;
- 4) cunvitos, campègios, domos pro vacàntzias, lucandas;
- 5) colònias e soggiornos istajonales, istabilimentos termales;
- 6) cursos extra iscolàsticos de insinnamentu de artes e isport e àteras disciplinas, a fora de cussos prevididos a manera ladina dae sa lege;
- 7) giardinis zoològicos e botànicos;
- 8) impiantios isportivos: piscinas, campos de tennis, de patinàgiu, impiantios de "risalita" e sìbiles;
- 9) matatòios pùblicos;
- 10) mensas, puru cussas a impitu iscolàsticu;
- 11) mercados e fieras atretzadas;
- 12) parchègios custodidos e parchìmetros;
- 13) pesada pùblica;
- 14) servìtzios turìsticos diversos: istabilimentos balneares, purtos turìsticos e sìbiles;
- 15) ispurgu de putos nieddos;

- 16) teatros, museos, pinacotecas, gallerias, mustras e ispetàculos;
- 17) trasportos de petza masellada;
- 18) trasportos de mortos, "pompe funebri" e illuminatziones votivas;
- 19) impitu de locales impreados a manera sghida e solu pro riunione no istitutzionales: auditorium, palatos de cungressos e sìbiles.

Averiguadu chi su Comune de Romana, respetu a s'elencu recramadu in subra, gestit a manera dereta sos servìtzios a dimanda individuale chi sghint:-mensas, incluidas cussas a impitu iscolàsticu (10);

Consideradu chi su servìtziu mensa est indiritzadu a favore de sos alunnos de s'iscola de s'òbligu e servìtziu de màndigu a domitzìliu a favore de sos antzianos, dende su màndigu in locales apòsitos de su Comune, a fora de cussos antzianos pro sos cales est previdida sa cunsigna a domitzìliu, in s'àmbitu de su servìtziu de assistèntzia domitziliare prus ampru;

Averiguadu chi custu Comune non *resurtat* èssere defitzitàriu a manera istrutturale e, duncas, no est sugetu a s'òbligu de cobertura de sos custos de gestione de sos servìtzios pùblicos a dimanda individuale in misura inferiore a su 36%;

Valutadu chi cun riferimentu a sa mensa iscolàstica in s'iscola mèdia inferiore si cunsiderat oportunu cunfirmare sa tarifa ùnica de contributzione de s'impitadore galu in vigèntzia, est a nàrrere € 2,00/a màndigu;

Valutadu, puru, chi pro su servìtziu de frunidura de màndigu a domitzìliu a favore de antzianos e de pessones cun discumbèniu, est netzessàriu leare a cunsideru sa situatzione de su rèditu;

Bida sa lege regionale 23 de nadale de su 2005, n. 23, rubricada "*Sistema integradu de sos servìtzios a sa pessone. Abrogatzione de sa lege regionale n. 4 de su 1988. Riòrdinu de sas funtziones sòtziu-assistentziales*" e in particolare s'art. 27, cuntenet "*Cumpartetzipatzione de sos destinatàrios de sos interbentos a s'ispesa*", cunforma a sa cale sos sugetos destinatàrios de sos servìtzios e de sos interbentos sotziales partètzipant a s'ispesa sustènnida pro s'erogatzione de sos interbentos prevididos dae su programma personalizadu cunforma a sos critèrios de soliedaridade e de progressividade, mentres sunt escludidos dae sa cumpartetzipatzione a s'ispesa sos sugetos cun positziones econòmicas inferiores a unu mìnimu determinadu dae sa Regione;

Reconnotu chi cunforma a sos artìculos 2 e 9 de su D.P.G.R. n. 12/1989, gasi comentu mudados dae su D.P.G.R. n. 145/1990 sa revalutatzione de su mìnimu est determinada onni annu subra de sa base de sa crèschida de su costu de sa vida e de sos ìnditzes ISTAT dae sa Direzione Generale de sas Polìticas Sotziales;

Valutada, in fines, s'oportunidade de cunfirmare sos critèrios e sas tarifas unitàrias pro sa determinatzione de sas cuotas de contributzione relative a sos servìtzios a dimanda

individuale erogados dae su Comune de Romana;

Achhisidos sos parres a favore espressados cunforma a s'art. 49 de su d.lgs. n.

267/2000 e mm.ii.ii.;cun votazione de sos presentes totu de acordu a favore,

DELÌBERAT

de cunfirmare pro su servìtziu de **mensa iscolàstica**, a favore de sos alunnos de s'iscola mèdia inferiore chi frequentant in s'Istitutu Comprensivu E. d'Arborea in Biddanoa Monteleone, pro totu su 2023 sa tarifa ùnica de € 2,00/a màndigu;

de approvare pro su servìtziu de **mensa iscolàstica** de sos alunnos de s'iscola de s'infàntzia, pro totu su 2023 sa tarifa ùnica de € 2,00/a màndigu;

de approvare pro su servìtziu de **mensa iscolàstica** de sos alunnos de s'iscola primàrgia, pro totu su 2023 sa tarifa ùnica, de € 2,00/a màndigu;

de cunfirmare pro su 2023, chi pro **su servìtziu de somministratzione de su màndigu a domitzìliu**, a favore de antzianos, disàbiles e sugetos debiles in càrrigu a su Servìtziu Sotziale, cunforma sas fàscias chi s'ghint:

Situazione econòmica fàscia ISEE ordinàriu		CUOTA ISPESA A CÀRRIGU DE S'IMPITADORE	
	<i>dae</i>	<i>finas a</i>	tarifa
1	Suta de su minimu netzèssàriu a vivere		0
2	€ 0	€ 10.000,00	€ 2,00
3	€ 10.000,01	€ 20.000,00	€ 3,00
4	€ 20.0001	€ 30.000,00	€ 4,00
5	Prus de € 30.000,00		Costu de su màndigu a càrrigu de su beneficiàriu

PARRE DE REGULARIDADE TÈCNICA

Cunforma a s'art. 49 c.1 de su T.U.E.L. su Dirigente/P.O. **DUT.RA CONTINI ANTONELLA** in data **19/01/2023** at espressadu parre a **FAVORE**

PARRE DE REGULARIDADE CONTÀBILE

Cunforma a s'art. 49 c.1 de su T.U.E.L. su Dirigente/P.O. **CALARESU CARMELA** in data **19/01/2023** at

GIUNTA COMUNALE Atu N.ru 6 de su 19/01/2023

espressadu parre a **FAVORE**

Su Presidente
Sindigu CATTE LUCIA

Su Segretàriu Generale
DUT. CARTA GIANCARLO

NOTA DE PUBLICATZIONE N. 25

Cunforma a s'art. 124 de su T.U. 267/2000 su Responsàbile de sa Publicatzione **DUT. CARTA GIANCARLO** atestat chi in data 19/01/2023 s'est protzèdidu a sa publicatzione in s'Albu Pretòriu.

Sa Delibera est esecutiva cunforma a sas dispositziones de lege in vigèntzia